



Presidente di Parlamento di Aruba
Sr. mr. Edgard Vrolijk
L.G. Smith Boulevard 72
Oranjestad, Aruba



Oranjestad, 18 di september 2023

Pa medio di e carta suscrito kier pidi Senyor Presidente pa dirigi e preguntanan adhunto na Ministro di Husticia y Asuntonan Social, dhr. R.G. Tjon, relaciona cu un publicacion den media (AWE24.com) titula “Doño di compania cu ta lease polis di Aruba e helicopter a bai entrega su mes na D.E.A pa narcotrafico”.

Suscrito ta desea di ricibi un contesta por escrito riba su preguntanan.

Gradiciendo di antemano pa e cooperacion, suscrito ta keda,

Atentamente,

Drs. Marisol J. Lopez-Tromp
Lider di Fraccion M.A.S.



Staten van Aruba
Lider di Fraccion M.A.S.
drs. Marisol J. Lopez-Tromp

Preguntanan por escrito di miembro di Parlamento, sra. Drs. Marisol J. Lopez-Tromp, na Ministro di Husticia y Asuntonan Social, dhr. R.G. Tjon conforme articulo III.17 di Staatsregeling di Aruba y conforme articulo 59 di Reglement van Orde van de Staten van Aruba.

Dia 17 september 2023 a sali e siguiente publicacion den media :

"Doño di compania cu ta lease polis di Aruba e helicopter a bai entrega su mes na D.E.A. pa narcotrafico" (AWE24.com) (Bijlage A).

A base di e articulo aki, mi tin e siguiente preguntanan na Gobierno:

1. Gobierno por facilita Parlamento e contract entre exMinister di Husticia mr. Bikker y e compania cu a lease KPA e helicopter?
2. E contracto aki ta vigente ainda?
3. Riba e foto por aprecia exMinister di Husticia mr. Bikker firmando hunto cu doño di e compania. E persona aki y su compania a pasa den un screening aki na Aruba prome cu a firma e contrato di helicopter pa KPA?
4. Si e contesta ta afirmativo, cual organisacion a hasi e screening, NCTVI o VDA?
5. Tawata tin un destaho publico?
6. Tawatin un of mas bufete cu a representa e compania aki na Aruba?
7. Si e contrato ta vigente, cuanto placa nos Pueblo ta pagando pe contrato aki te cu awor?
8. Por facilita Parlamento e decreto ministerial?
9. Con e proceso pa escohe e compania aki a cana?
10. Cuanto compania a participa ?
11. E companianan cu a muestra interes pa participa a wordu jama?
12. Con e compania escohi ta wordu paga door di Land Aruba?

13. E pagonan segun e leasecontract aki ta sosode via departamento di Finanzas di Gobierno o atravez di un bufete?

14. Con jama e compania cu a lease e helicopter y ken ta(wata) su representante den exterior?

15. Kiko tawata e exigencianan di e bidding pa cu e servicio di e helicopter di polis ? Cu otro palabra kiko tawata rekiri di e helicopter? Cuanto pilot, luznan etc.

16. E compania cu a hañe leasecontract ta brinda tur e servicionan aki?

Atentamente,



Drs. Marisol J. Lopez-Tromp
Lider di Fraccion M.A.S.

18 di september 2023



INCIDENTE

Doño di compania cu ta lease polis di Aruba e helicopter a bay entrega su mes na D.E.A. pa Narcotrafico

09:59 SEPTEMBER 17, 2023 LEAVE A COMMENT

